

ODLUKA

**O PRIHVATANJU ZADUŽENJA PO SPORAZUMU O ZAJMU IZMEĐU BOSNE I
HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA
PROJEKAT UNAPREĐENJA KVALITETA ZRAKA**

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Parlament Federacije Bosne i Hercegovine je, na sjednici Predstavničkog doma Parlamenta Federacije Bosne i Hercegovine održanoj 27.09.2023.godine i na sjednici Doma naroda Parlamenta Federacije Bosne i Hercegovine održanoj 05.10.2023.godine, d o n i o

ODLUKU

O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA PROJEKAT UNAPREĐENJA KVALITETA ZRAKA

I.

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o zajmu (u daljem tekstu: Sporazum) između Bosne i Hercegovine (u daljem tekstu: BiH) i Svjetske banke - Međunarodne banke za obnovu i razvoj (u daljem tekstu: IBRD) u ukupnom iznosu do 46.100.000,00 EUR-a.

II.

Sredstva zajma iz tačke I. ove Odluke će se koristiti za unapređenje kvalitete zraka u BiH usmjerenih na stambeni sektor i sektor urbane mobilnosti. Istovremeno, Projekat također ima za cilj postizanje utjecaja na razvoj kroz uključenje domaćinstava sa najnižim prihodima.

III.

Sredstva zajma iz tačke I. ove Odluke, odobravaju se Federaciji pod sljedećim uslovima:

- rok otplate (uključen grace period):.....31,5 godina,
- grace period:.....8 godina,
- početna naknada.....0,25 % godišnje,
- naknada za održavanje zajma.....0,25% godišnje,
- kamatna stopa:.....LIBOR (za euro) + varijabilni spread,
- dospijeća:.....polugodišnja,
- datumi plaćanja glavnice i kamata:15. februar i 15. august svake godine.

IV.

Potvrđuje se da je razmatrana dokumentacija prihvatljiva za Federaciju, a posebno:

- Usaglašeni zapisnik s pregovora;
- Nacrt Sporazuma o zajmu između Bosne i Hercegovine i IBRD-a;
- Nacrt Projektnog sporazuma između IBRD-a i Federacije.

V.

Daje se saglasnost za zaključivanje Supsidijarnog ugovora između Bosne i Hercegovine i Federacije i Podugovora o zajmu između Federacije i uključenih kantona za zajam iz tačke I. ove Odluke.

Za potpisivanje Supsidijarnog sporazuma i Podugovora o zajmu ovlašćuje se federalni ministar finansija.

VI.

Za realizaciju ove Odluke i izvještavanje zadužuje se Federalno ministarstvo finansija – Federalno ministarstvo financija, Federalno ministarstvo okoliša i turizma, svako u okviru svoje nadležnosti.

VII.

Implementacija Sporazuma iz tačke I. ove Odluke, ne zahtijeva donošenje novih ili izmjenu postojećih zakona.

VIII.

Ova Odluka stupa na snagu narednog dana od dana objavljivanja u “Službenim novinama Federacije BiH”.

PF BIH, broj 01,02-11-2082/23
Sarajevo, 05.10.2023.godine

PREDSJEDAVALJUĆI
DOMA NARODA
PARLAMENTA FEDERACIJE BIH

Tomislav Martinović

PREDSJEDAVALJUĆA
PREDSTAVNIČKOG DOMA
PARLAMENTA FEDERACIJE BIH

Mirjana Marinković-Lepić